



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio IX.

urn:nbn:de:hbz:466:1-15653

riam. Et fuit alia dilatio concessa ad examinandum testes ad octauam diem, sessione ad eandem diem assignata, ad procedendum vltcrius prout de iure.

ANNO
CHRISTI
1409.

SESSIO IX.

Die Veneris decima septima prædicti mensis Maii adueniente, celebrata Missa, solennitatibus & ceremoniis seruatis, procurator ecclesiæ ascendit pulpitem, & fecit requiri alta voce per aduocatum, quod subtractio in præcedenti sessione facta declararetur, quoniam aliqui murmurabant. Et fuit de consensu omnium in Concilio existentium pronuntiatum per os domini patriarchæ Alexandrini, licuisse se subtrahere ab obedientia amborum contententium de papatu, a tempore quo, &c.

Item, quod a cunctis Christi fidelibus erat obedientia subtrahenda, & ab omnibus pro subtracta habenda: & ita mandabat Synodus.

Item, reuocata fuerunt sententiæ latæ per contententes contra subtrahentes.

Item ordinatum fuit, quod illi qui erant in Concilio iudices vel coniuudices, poterant esse testes contra contententes.

Item, quod commissarii possent articulos declarare.

Item decernit tertiam dilationem ad producendum testes, &c. & ad vltcriora procedendum fore, prout eidem sanctæ Synodo videbitur expedire. Diem Mercurii proximam, quæ erit vigesima tertia mensis Maii, ad quam diem statuit & ordinauit proximam sessionem, prout in quadam schedula ibidem lecta continebatur, cuius tenor sequitur in hunc modum: Sancta & vniuersalis Synodus hic in Christi nomine congregata, declarat, pronuntiat & decernit ex iustis & rationabilibus causis, a Petro de Luna, qui Benedictus XIII. & ab Angelo Corario, qui Gregorius XII. dicebantur, improbe contententibus de papatu, & ab ipsorum cuiuslibet obedientia licuisse recedere libere & pure; videlicet a præfato Benedicto ex tempore quo viam cessionis per eum solenniter iuratam realiter persequi, & eam effectualiter adimplere damnabiliter omisit: & a præfato Gregorio ex eo tempore quo viam cessionis per eum solenniter iuratam, voto promissam & fir-

matam,

ANNO
CHRISTI
1409.

matam, realiter persequi & effectualiter adimplere, dam-
nabiliter prætermisit. Insuper sancta Synodus, ex causis
quibus supra, pronuntiauit, statuit, ordinauit, & de-
creuit, præfatos contententes de papatu ac ipsorum quem-
libet, qui canonice requisiti & vocati in præfenti causa
schismatis & fidei fuerunt celebrati legitime, contumaces
fore, a cunctis Christi fidelibus omnimode obedientiam
subtrahendam, & exnunc vt antea ab omnibus pro sub-
tracta haberi. Et ita obseruandum decernit, pronuntiat
atque mandat.

Processus autem & sententias condemnationum, pri-
uationum, inhibitionum, & censuras quascumque per
eosdem contententes de papatu, aut ipsorum alterum in
præiudicium persecutionis vnionis contra subtractos, &
in posterum subtrahendos, factos, & in futurum fiendos,
hæc sancta Synodus decernit & declarat cassos existere,
ac nullius roboris vel momenti, & eos cassat & annullat,
quatenus de facto processerunt, aut in futurum proced-
ent.

Item, eadem sancta Synodus in fauorem fidei, & schi-
smatis extirpationem, ac pro ecclesia lacerata vnienda &
pacificanda, decernit, pronuntiat & declarat omnes cui-
usque status, &c. etiam si cardinalatus præfulgeant di-
gnitate, qui in causa præfenti sunt & possunt esse iudices
seu coniudices, similiter esse posse legitimos testes, eo-
rumque testimonio & depositioni fidem esse indubiam
adhibendam.

Item, cum propter aduersitatem & prolixitatem arti-
culorum in præfenti causa productorum, posset testium
examinatio dispendio protelari, propterea sancta Synodus
decernit, pronuntiat & declarat, quod domini commissarii
seu examinatores ad hæc per sanctam Synodum deputati,
possint dictos articulos declarare & specificare, ac in eis
addere, detrahere & mutare, ac interrogatoria facere,
prout vtilitati & accelerationi causæ videbunt expedire.

Et ex prædictis, causa cognita & deliberata, dat, statuit,
& decernit tertiam dilationem ad probandos & produ-
cendos testes, & ad vltiora procedendum, (prout ei-
dem sanctæ Synodo videbitur expedire) diem Mercurii
proximam, quæ erit dies vigesima secunda huius mensis, ad

Concil. Tom. 29.

Cc

quam diem statuit & ordinat proximam sessionem, pronuntiationem per patriarcham Alexandrinum die vigesima septima dicti mensis Maii 1409. in sacro Concilio generali Pisis celebrato.

ANNO
CHRISTI
1409.

SESSIO X.

Die Mercurii adueniente, quæ fuit vigesima secunda mensis Maii, celebrata Missa, & illis quæ ad diuinum officium spectant, procurator ecclesiæ fecit per aduocatum proponi, quod domini cardinales Laudensis & sancti Angeli senior, & alii prælati, & domini dati commissarii ad examinandos testes, & recipiendas probationes & instrumenta contra duos improbe contententes de papatu, testes audiuerant, & in scriptis redigi fecerant per notarios ordinatos per Concilium, aliasque probationes & instrumenta ad causam facientia receperunt, erantque parati legitimam facere relationem per vnum ex ipsis prælati commissariis, videlicet per organum domini archiepiscopi Pisani, si Concilio placeret. Et respondit Concilium, placet. Quo facto dictus aduocatus nomine quo supra, petiit & requisivit, quatenus dicti contententes essent vocati ad hanc diem, ad audiendum testium publicationem; & quod domini cardinales cum aliquibus prælati & aliis more solito irent ad fores ecclesiæ, & eos vocarent, aut si essent præsentis, vel aliquis pro ipsis: & de hoc fecerunt relationem in pleno Concilio, quod sacro Concilio placuit. Et tunc domini cardinales de Columna & sancti Angeli cum aliis pluribus prælati & doctoribus ac notariis iuerunt ad valuas ecclesiæ, & alta voce petierunt, an contententes de papatu, vel eorum alter, aut etiam aliquis pro eis adesset. Quibus sic factis, ad Concilium redeuntes, retulerunt, nec contententes adfuisse, nec aliquem pro eis comparuisse. Qua de causa, quoad istum actum, per Concilium fuerunt reputati contumaces: & fuit conclusum, quod erat ulterius procedendum ad relationem & publicationem, eorum contumacia non obstante. Et statim dictus archiepiscopus Pisanus cum vno notario sacri Concilii ascendit pulpitem, in quo proposuit, quod de mandato dominorum commissariorum suorum collegarum erat ordinatus ad faciendum relationem & publicationem sub tali